





徵本經  
史子小序  
以表本  
微有異  
而集部  
信多矣  
本日刻  
微本佚  
集部傳  
鈔者以

昭德先生郡齋讀書志卷第四上

集部其類有三一曰楚辭類二曰別集類三曰總集

類內別集猥多復分為上中下昔屈原作離騷雖

謫不槩諸聖而英辯藻思閎麗演迤發於忠正蔚然

為百代詞章之祖眾士慕嚮波屬雲委自時厥後綴

文者接踵於斯矣然軌轍不同機杼亦異各名一家

之言學者欲矜式焉故別而聚之命之為集蓋其原

起於東京而極於有唐至七百餘家當晉之時摯虞

已患其凌雜難觀嘗自詩賦以下彙分之曰文章流

別後世祖述之而為總集蕭統所選是也至唐亦且

易生

昭德

讀書

昭德先生郡齋讀書志卷第四上



表本補

耳

縱集後

尚有文說

類序中

三

七十五家嗚呼盛矣雖然賤生於無所用或其傳不能廣值水火兵寇之厄因而散落者十八九亦有長編鉅軸幸而得存其屬目者幾希此無他凡以其虛辭濫說徒為美觀而已無益於用故也今錄漢迄唐附以五代本朝作者其數亦甚眾其間格言偉論可以扶持世教者為益固多至於虛辭濫說如上所陳者知其終當泯泯無聞猶可以自警則其無用亦有用也是以不加銓擇焉

楚辭類

楚辭十七卷

後漢校書郎王逸叔師注楚屈原名平為懷王左徒博聞強識嫻於辭令後同列心害其能而讒之王怒疏平平自傷忠而被謗乃作離騷經以諷不見省納及襄王立又放之江南復作九歌天問九章遠遊卜居漁父大招自沉汨羅以死其後楚宋玉作九辨招魂漢賈誼作惜誓淮南王小山作招隱士東方朔作七諫嚴忌作哀時命王褒作九懷劉向作九歎皆擬其文而哀平之死於忠至漢武時淮南王安始作離騷傳劉向典校經書分為十六卷東京班固賈逵各作離騷章句餘十五卷闕而不說至逸自以為南陽



人與原同土悼傷之復作十六卷章句又續爲九思  
取班固二序附之爲十七篇按漢書志屈原賦二十  
五篇今起離騷經至大招凡六九章九歌又十八則  
原賦存者二十四篇耳并國殤禮魂在九歌之外爲  
十一則溢而爲二十六篇不知國殤禮魂何以系九  
歌之末又不可合十一爲九然則謂大招爲原辭可  
疑也夫以招魂爲義恐非自作或曰景差蓋近之其  
卷後有蔣之翰跋云晁美叔家本也

楚辭釋文二卷

六詳撰人其篇次不與世行本同蓋以離騷經九辯

九歌天問九章遠游卜居漁父招隱士招魂九懷七  
諫九歎哀時命惜誓大招九思爲次按今九章第四  
九辯第八而王逸九章注云皆解於九辯中知釋文  
篇第蓋舊本也後人始以作者先後次第之爾或曰  
天聖中陳說之所爲也

補注楚辭十七卷考異一卷

未詳撰人凡王逸章句有未盡者補之自序云以歐  
陽永叔蘇子瞻晁文元宋景文家本參校之遂爲定  
本又得姚廷輝本作考異且言辯騷非楚辭本書不  
當錄



重編楚辭十六卷

右族父吏部公重編獨離騷經仍故爲首篇其後以遠游九章九歌天問卜居漁父大招九辯招魂惜誓七諫哀時命招隱九懷九歎爲次而去九思一篇其說曰按八卷屈原遭憂所作故首篇曰離騷經後篇皆曰離騷餘皆曰楚辭今本所第篇或不次序於是遷遠游九章次離騷經在九歌上以原自序其意近離騷經也而九歌天問乃原旣放之後攄憤所作者故遷於下卜居漁父自序之餘意也故又次之大招古奧疑原作非景差辭沈淵不返故以終焉爲楚辭

二八卷九辯招魂皆宋玉或曰九辯原作其聲淅矣惜誓弘深或以爲賈誼作蓋近之東方朔嚴忌皆漢武帝廷臣淮南小山之辭不當先朔忌王褒漢宣帝時人後淮南小山至劉向最後作故其次序如此皆西漢以前文也爲楚辭下八卷王逸東漢人九思視向以前所作相濶矣又十七卷非舊錄故去之又頗刪逸離騷經訓釋淺陋者而錄司馬遷原傳冠其首云

續楚辭二十卷

右族父吏部公編擇後世文賦與楚辭類者編之自



宋玉以下至本朝王令凡二十六人計六十篇各爲小序以冠其首而最喜沈括以爲辭近原蓋深探其用意疾徐其步驟而與之偕然亦暇而不迫也

變離騷二十卷

右族父吏部公編公旣集續楚辭又擇其餘文賦或大意祖述離騷或一言似之者爲一編其意謂原之作曰離騷餘皆曰楚辭今楚辭又變而迺始曰變離騷者欲後世知其出於原也猶服盡而系其姓於祖云所錄自楚荀卿至本朝王令凡三十八人通九十六篇

別集類上

蔡邕集十卷

右漢蔡邕伯喈陳畱圉人仕至左中郎將後爲王允所害邕博學好辭章術數天文妙操音律在東觀欲補漢紀自陳十意及付獄乞黥刑以成書不能得遂死獄中所著文章百四篇今錄止存九十篇而銘墓居其半或曰碑或曰銘或曰神誥或曰哀讚其實一也嘗自云爲郭有道碑獨無愧辭則其他可知矣凡文集其人正史自有傳者止掇論其文學之辭及畧載鄉里所終爵位或死非其理亦附見餘歷官與其



善惡率不錄若史逸其行事者則雜取他書詳載焉  
庶後有考

曹植集一卷

右魏曹植子建也太祖子文帝封植為陳王卒年三  
十一諡曰思年十餘歲誦讀詩論及辭賦數十萬言  
善屬文援筆立成自少至終篇籍不離于手景初  
撰錄植所著賦頌詩銘雜論凡百餘篇今集僅二百  
篇通為一卷注云本傳所載不啻其故

王粲集八卷

右後漢王粲仲宣也高平人為魏國侍中粲博物多

隋志植集  
三十卷唐  
志植集二  
卷

二

識強記善屬文舉筆便成無所改定時人常以為宿  
製然正復精意覃思亦不能加著詩賦論議垂六十  
篇今集有八十一首按唐藝文志粲集十卷今亡兩  
卷其詩文返多于史所記二十餘篇不曉其故

阮籍集十卷

右魏阮籍嗣宗也尉氏人籍志氣宏放博覽羣籍尤  
好莊老屬文不畱思嗜酒能嘯善彈琴當其得意忽  
忘形骸雖不拘禮教而發言玄遠晉帝輔政為從事  
中郎後求為步兵校尉

嵇康集十卷

嵇康集十卷



右魏嵇康叔夜譙國人康美詞氣有風儀土木形骸不自藻飾學不師授博覽該通長好莊老屬文玄遠以魏宗室婚拜中散大夫景元初鍾會譖於晉文帝遇害

張華集三卷

右晉張華茂先也范陽人惠帝時爲司空趙王倫孫秀黨謀害之華學業優博辭藻溫麗圖緯方伎等書莫不詳覽家有書三十乘天下奇秘悉在博物洽聞世無與比集有詩一百二十哀詞冊文二十一賦三

陸機集十卷

右晉陸機士衡也抗之子少有異才文章冠世伏膺儒術非禮不動吳滅退居舊里閉門勤學積有十年太康末入洛成都王穎令機率師伐長沙王乂至河橋大敗爲穎所誅初造張華華重其名如舊相識嘗謂之曰人之爲才常恨才少而子更患多葛洪著書亦稱歎焉所著文章凡三百餘篇今存詩賦論議表碑誄一百七十餘首以晉書文選較正外餘多舛誤

陸雲集十卷

右晉陸雲士龍也吳郡人惠帝時爲中書侍郎會兄



機兵敗同遇害雲六歲能屬文性清正有才理與兄齊名雖文章不及而持論過之所著文章二百四十九篇新書十篇

陶潛集十卷

右晉陶潛淵明也潯陽人晉宋史皆有傳晉安帝時為彭澤令去職潛少有趣好讀書不求甚解著五柳先生傳以自况世號靖節先生今集有數本七卷者梁蕭統編以序傳顏延之誄載卷首十卷者北齊陽休之編以五孝傳聖賢羣輔錄序傳誄分三卷益之詩篇次差異按隋經籍志潛集九卷又云梁有五

卷錄一卷唐藝文志潛集五卷今本皆不與二志同獨吳氏西齋書目有潛集十卷疑卽休之本也休之本出宋庠家云江左舊書其次第最有倫貫獨四八目後八儒三墨二條似後人妄加

鮑照集十卷

右宋鮑照明遠也上黨人世祖以爲中書舍人後臨海王子瑱鎮荊州照爲參軍子瑱敗爲亂兵所殺初孝武好文自謂人莫能及故照悟其旨爲文多鄙言累句當時謂照才盡實不然也事見沈約書而李延壽史乃以世祖爲文帝集有唐虞炎序云爲宋景所



害儻見於他書乎唐人避武后諱改照爲昭

謝朓集十卷

右齊謝朓玄暉也陽夏人明帝初自中書郎出爲  
海太守東昏時爲江祏黨譖害之朓少好學有美名  
文章清麗善草隸尤長五言詩沈約嘗云二百年來  
無此詩也文選所錄朓詩僅二十首集中多不載今  
附入

謝惠連集五卷

右宋謝惠連也方明子元嘉七年爲彭城王法曹行  
參軍十歲能屬文爲雪賦以高麗見奇族凡靈運在

其新文曰張華重生不能易也

吳均集三卷

右梁吳均叔宰也史稱均博學才俊體清拔有古氣  
好事文之謂吳均體有集二十卷唐世搜求止得十  
卷亡其七矣舊題誤曰吳筠筠乃唐人此詩殊不  
類而其中有贈周興嗣柳貞陽輩詩固已知其非筠  
又有蕭子雲贈吳朝請入東詩蓋在武帝時爲奉朝  
請則知爲均也無疑矣蕭子雲詩八蕭子顯朱異平  
均王僧孺詩各一附顏之推譏均集中有破鏡賦今  
亦亡之



江淹集十卷

右梁江淹文通也濟陽人梁初為散騎常侍封醴陵侯少好學不事章句畱情於文章晚節才思微退人謂才盡著述百餘篇自撰為前後集今集二百四十九篇魏晉間名士文行于世者往往羨子史所載而淹之集及淹之集也何遜集一卷

右梁何遜仲言也東海人終水部員外郎遜少能詩州舉秀才范雲見其文嗟賞曰觀文人質則過儻麗則傷俗能含清濁古今見之何生矣沈約謂每讀卿詩一日三復猶不能已與劉孝綽以文章見重於世

謂之何劉王僧孺集其文為八卷今亡逸不全

庾信集二十卷

右周庾信子山也南陽人梁元帝時為散騎常侍聘西魏也畱長安孝閔時終司憲大夫信在梁與徐陵文並綺麗世號徐庾體集有滕王道序

王績東臯子五卷

右唐王績無功也龍門人隋大業中舉孝悌廉潔授六合丞棄官耕東臯自號東臯子唐書以為隱逸集有呂才序稱其幼岐嶷年十五謁楊素占對英辯一坐盡傾以為神仙童子薛道衡見其登龍門憶禹賦



歎曰今之庾信也且載其卜筮之驗者數事云

楊炯盈川集二十卷

右唐楊炯也華陰人顯慶六年舉神童授校書郎終  
婺州盈川令卒炯博學善屬文與王勃盧照隣駱賓  
王以文詞齊名海內稱王楊盧駱四才子亦曰四傑  
炯自謂吾愧在盧前耻居王後張說曰盈川文如懸  
河酌之不竭耻王後信然愧盧前謙也集本三十卷  
今多亡逸

王勃集二十卷

右唐王勃子安也通之孫麟德初劉祥道薦其材對

策高等授朝散郎沛王名署府修撰以戲為諸王作  
鬪雞檄高宗怒斥出府父為交趾令勃往省溺海卒  
勃屬文初不精思先磨墨數升酌飲引被覆面臥及  
寤援筆成篇不易一字時人謂之腹藁有劉元濟序  
盧照隣幽憂子集十卷

右唐盧照隣字升之也洛陽人調新都尉病去官隱具

茨山下手足孿廢疾久訣親戚自沈潁水照隣自以  
當高宗時尚吏已獨儒武后尚法已獨黃老后封嵩  
山聘賢士已已廢著五悲文今在集中嘗自號幽憂  
子



賈賓王集十卷

右唐賈賓王也義烏人武后時數言事得罪貶臨海丞不得志棄官去文明中徐敬業亂署府佐為敬業傳檄天下斥武后罪后讀之矍然及收亡不知所之後宋之間逢之於靈隱寺已祝髮為浮屠矣賓王七歲能屬文妙於五言詩中宗詔求其文得百餘篇命鄭雲卿次序之

蘇頲許公集二十卷

右唐蘇頲廷頲也武功人調露二年進士賢良方正異等除左司率府胄曹玄宗時中書舍人知制誥開

元四年同紫微黃門平章事頲幼敏悟一覽五千言輒覆景龍後與張說以文章顯時號燕許李德裕謂近世詔誥唯頲敘事外為文章韓休為序集本四十六卷今亡其半矣

陳子昂集十卷

右唐陳子昂字伯玉也梓州人文明初舉進士上書召見累擢拾遺聖曆初解官歸養父喪廬墓縣令殺簡貪暴脅取其賂不厭逮捕死獄中子昂少以豪俠使氣及冠折節為學精究墳籍耽愛黃老易象尤善屬文唐興文章承徐庾餘風天下祖尚至是始變雅正

殺亦知  
孰且之



故雖無風節而唐之名人無不推之柳儀曹曰張說以著述之餘攻比興而莫能極張九齡以比興之暇窮著述而不克備唐興以來稱是選而不作者子昂而已

宋之問考功集十卷

右唐宋之問延清也汾州人武后召與楊炯分直習藝館誦事太平公主爲考功員外郎睿宗初貶欽州賜死自魏建安迄江左詩律屢變至沈約庾信以音韻相婉附屬對精密及之問沈佺期又加靡麗回忌聲病約句單篇如錦繡成文學者宗之號曰沈宋徐

堅嘗論之問之文如良金美玉無施不可其爲當時所重如此

沈佺期集五卷

右唐沈佺期雲卿也相州人及進士第由協律郎遷弘文館直學士常侍中宗宴舞回波爲弄辭以悅帝還賜牙緋

杜審言集一卷

右唐杜審言必簡也襄陽人預之後裔擢進士恃高才以傲世嘗對武后賦歡喜詩后歎重其文學李嶠崔融蘇味道爲文章四友集有詩四十餘篇而已



張說集三十卷

右唐張說道濟也洛陽人永昌元年賢良方正策第一累遷鳳閣舍人睿宗時兵部侍郎平章事開元十八年終左丞相燕國公說爲文精壯長於碑志朝廷大述作多出其手常典集賢圖書之任間爲天平軍大佐及致仕一歲皆卽軍中於家論譔國史晚謫岳州詩益悽惋人謂得江山助

李嶠集二卷

右唐李嶠巨山也贊皇人擢進士策制策甲科爲監察御史武后時同鳳閣鸞臺平章事嶠富才思前與

王勃楊炯中與崔融蘇味道齊名晚諸人沒爲文章宿老學者取法集本六十卷未見今所錄一百二十詠而已或題曰單題詩有張方注

張九齡曲江集二十卷

右唐張九齡子壽也曲江人長安二年進士調校書郎以道侔伊呂科策高等爲左拾遺開元中爲中書令卒謚文獻九齡風度蘊籍幼善屬文玄宗朝知制誥雅爲帝知爲相諤諤有大臣節及貶荊州惟文史自娛朝廷許其勝流徐堅論九齡之文如輕縑素練實濟時用而窘邊幅柳宗元以九齡兼攻詩文但不



能究其極耳集後有姚子彥所撰行狀呂溫撰真贊  
鄭宗珍撰謚議徐浩撰墓碑及贈司徒勅詞

王維集十卷

右唐王維摩詰也太原人開元九年進士終尚書右  
丞維幼能屬文工草隸善畫名盛安祿山反嘗陷賊  
中賦大宴凝碧池賦詩痛悼詩聞行在後得免死代  
宗訪維文章於弟縉哀集十卷上之李肇議維漠漠  
水田飛白鷺陰陰夏木嘯黃鸝之句以為竊李嘉祐  
者今嘉祐之集無之豈肇之厚誣乎

儲光羲集五卷

右唐儲光羲魯人開元十四年進士嘗為監察御史  
後從安祿山偽署賊平貶死

王昌齡詩六卷

右唐王昌齡少伯也江寧人開元十五年進士為秘  
書郎文中宏詞不護細行貶龍標尉以世亂歸鄉里  
為刺史閩江曉所殺昌齡工詩縝密而思清時謂王  
江寧云

常建詩一卷

右唐常建開元十五年進士歐陽永叔嘗愛其詩  
劉長卿集十卷



右唐劉長卿字文房開元二十一年進士至德中監察御史以檢校祠部員外爲轉運判官知淮西岳鄂轉運使留後觀察使吳仲孺誣奏貶潘州南巴尉會有爲辨之者除睦州司馬終隨州刺史長卿剛而犯上故兩逢斥廢詩雖窘于才而能鍛鍊權德輿嘗謂爲五言長城今集詩九卷雜文一卷

顏真卿文一卷

右唐顏真卿清臣也萬年人博學工辭章開元二十二年進士又登制科代宗時爲太子太師使李希烈遇害世謂真卿忤楊國忠李輔國元載楊炎盧杞拒

安祿山李希烈廢斥者七八以至於死而不自悔天下人而尺而學問文章往往雜神仙浮屠之說不皆合於理而所爲乃爾者蓋天性然也

蕭穎士集十卷

唐進士

蕭穎士

右唐蕭穎士茂挺也梁宗室之後開元二十三年進士爲史館待制安祿山反竄山南節度崔圓授揚州工曹至官信宿而去客死汝南逆旅門人謚曰文元先生穎士屬文觀書一覽卽誦通百家譜系書籍嘗教授濮陽時號蕭夫子李林甫惡不附已故數罷去閣士和盛推穎士文章以爲聞蕭氏之風者童子羞



稱曹陸尚有三行

張鷟龍筋鳳髓判十卷

右唐張鷟字文成辭章藻麗嘗八中制科此乃其書判也凡一百首自號浮休子

孟浩然詩一卷

右唐孟浩然也襄陽人工五言詩隱鹿門山年四十乃游京師一日諸名士集秘書省聯句浩然句曰微雲淡河漢疎雨滴梧桐衆皆欽伏張九齡王維雅稱道之維私邀入棗林遇玄宗臨幸浩然匿牀下維以聞上曰素聞其人因召見命自誦所爲詩至不才明主

棄之句上曰不求進而誣朕棄人命放歸所著詩二百一十首宣城處士王士源序次爲三卷今併爲一又有天寶中韋紹序

嚴從中黃子集三卷

右唐嚴從開元中爲著作郎春宮侍讀集賢院學士卒自號中黃子當時命太子侍文呂向訪遺文於家得訓老經頌等八篇序爲三卷

李翰林集二十卷

右唐李白太白也白舊集十卷唐李陽冰序咸平中樂史別得白歌詩十卷凡歌詩七百七十六篇又纂



雜著爲別集十卷宋次道治平中得王文獻及唐魏  
萬所纂白詩又哀唐類詩洎刻石所傳者通李陽冰  
樂史集共一千一篇雜著六十五篇曾子固乃考其  
先後而次第之云白蜀郡人天寶初至長安明皇召  
爲翰林供奉頃之不合去安祿山反明皇在蜀永王  
璘節度東南白時臥廬山迺致之璘敗坐繫潯陽獄  
崔渙不若思驗治白以爲罪薄釋白囚使謀其軍乾  
元元年終以汙璘事長流夜郎以赦得釋過當塗以  
卒其始終更涉如此此白之詩書所自序可考者也  
舊史稱白山東人爲翰林待詔又稱白在宣城謁見

永王璘遂辟爲從事而新書又稱白流夜郎還潯陽  
坐事下獄宋若思釋之者皆不合於白之自序蓋史  
誤也予按杜甫詩亦以白爲山東人而蘇子瞻嘗恨  
白集爲庸俗所亂則白之自序亦未可盡信而以爲  
史誤近蜀本又附入左縣邑人所哀回白隱處少年  
所作六十篇尤爲淺俗白天才英麗其辭逸蕩雋傑  
飄然有超世之心非常人所及讀者自可別其真僞  
也

岑參集十卷

本南溪

右唐岑參南陽人文本之後天寶二年進士累官補



闕起居郎出嘉州刺史杜鴻漸表置幕府爲職方郎中兼侍御史罷終于蜀參博覽史籍尤工綴文屬詞清尚用心良苦其有所得往往超拔孤秀度越常情每篇絕筆人競傳諷至德中裴越薦杜甫等常薦其識度清遠議論雅正佳名早立時輩所仰可以備獻替之官云集有杜確序

李嘉祐詩二卷

右唐李嘉祐別名從一趙州人天寶七年進士爲秘書正字袁台二州刺史善爲詩綺靡婉麗有齊梁之風時人以比吳均何遜云

高適集十卷集外文二卷別詩二卷

右唐高適字夫也又字仲武渤海人天寶八年舉有道科中第永泰中終散騎常侍五十始爲詩卽工以氣質自高每一篇出好事者輒傳布云

賈至集十卷

右唐賈至幼幾也洛陽人天寶十年以明經擢策累官起居舍人知制誥從幸西川當讓傳位冊旣進藁上曰先天誥命乃父爲之今茲冊命爾又爲之兩朝大典出卿父子可謂繼美矣大曆中終散騎常侍集李邕鄧淑家本二十卷蘇弁編次常仲儒爲序以墓



銘序碑列于後今亡其半矣蘇子瞻嘗行呂惠卿責詞有元兇在位之語仇人乃曰史唯宋太子劬謂之元兇因誣其指斥殊不知曹子建責躬詩有曰元兇是幸蓋自謂也今至制誥中除魏仲犀徐歸道詞亦以元兇指祿山豈獨劬為元兇邪世多疑子瞻失詞因表出之

錢起詩二卷

右唐錢起徵之父也吳郡人天寶中舉進士初從鄉薦客舍月夜聞人哦于庭曰曲終人不見江上數峰青起攝衣從之無所見矣及就試詩題乃湘靈鼓瑟

也起卽以曳諸十字為落句主文李暉深嘉之擢置高第釋褐授校書郎終考功與郎士元齊名時曰前有沈宋後有錢郎

元子十卷琦玕子一卷文編十卷

右唐元結次山也後魏之裔天寶十三年進士復舉制科授右金吾兵曹累遷容管經畧使始在商餘山稱元子逃難入琦玕洞稱琦玕子或稱浪士漁者為聲叟酒徒呼漫叟及官呼漫郎因以命其所著結性耿介有憂道閔世之意逢天寶之亂或隱自謂與聾牙豈獨其行事而然其文辭亦如之然其辭義幽



約譬古鐘磬不諧於俚耳而可尋玩在當時名山蕭  
李下至韓愈稱數唐之文人獨及結云

韓翃詩五卷

右韓翃君平也南陽人天寶十三年進士淄青侯希  
逸宣武李勉繼辟幕府俄以駕部郎中知制誥終於  
中書舍人翃詩興致繁富朝野重之

杜甫集二十卷集外詩一卷注杜甫詩二十

卷蔡興宗編杜甫詩二十卷趙次公注杜甫

詩五十九卷

右唐杜甫之美也審言之孫天寶十三年玄宗朝獻

太清宮學廡及郊奏賦三篇使待制集賢院宰相試  
文再遷右衛率府胄曹終於劍南叅謀檢校工部員  
外曠放不自檢好論天下大事高而不切少與李白  
齊名號李杜數當寇亂挺節無污為歌詩其時撓  
弱情不忘君人憐其忠云集有王洙原叔王琪君玉  
序本朝自王原叔以後學者喜杜詩世有為之注者  
數家率皆鄙淺可笑有托原叔名者其實非也呂微  
仲在成都嘗譜其年月近時有蔡興宗者再用年月  
編次之而趙次公者又以古律詩雜次第之且為之  
注兩人頗以意改定其誤字人不善之



獨孤及毗陵集二十卷

右唐獨孤及至之也洛陽人天寶十三年舉洞曉玄經科代宗初為太常博士濠舒二州刺史政最徒常州卒官自幼有成人之量徧覽五經觀其大義不為章句學為文以立憲誠世褒賢遏惡為用長於論議唐實錄稱韓愈師其為文云集有李丹梁蕭前後序末載崔祐甫碑誌

皇甫冉詩二卷

右唐皇甫冉茂政也丹陽人天寶十五年進士為無錫尉歷拾遺補闕卒與弟曾齊名嘗時比張氏景陽

孟陽云集有獨孤及序

郎士元詩一卷

右唐郎士元字君胄中山人天寶十五年進士為郢州刺史與錢起俱有詩名而士元尤更清雅在朝朝廷公卿出牧奉使若兩人無詩祖行人以為懼

顧況集二十卷

右唐顧況字通公蘇州人至德二年江東進士善為歌詩性詼諧德宗時柳渾輔政以秘書郎召況素善李泌及泌相自謂當得達官久遷著作郎及泌卒有調笑語貶饒州司戶卒集有皇甫冉詩序



賦

陳蛻詩一卷

右唐陳蛻集有長安十五詠自序云蛻生長江淮間以詩句從賦僅十餘年矣今我后撫運澤及四夷蛻復得為太平人也云云蓋肅代間人也

盧綸詩一卷

右唐盧綸與吉中孚韓翃錢起司空曙苗發崔峒耿湜夏侯審李端皆能詩齊名號大曆十才子字允言累舉進士不第

耿湜詩一卷

右唐耿湜寧應元年進士為左拾遺

韋應物集十卷

天官時元

右唐韋應物京兆人天寶時為三衛馬道遙公真之後在僕射扶陽公待價生令儀令儀生應物非秦中任洛陽丞京兆府功曹大曆十四年鄆縣制除機陽令稱疾辭歸建中二年授比部郎中守除州居頃之改江州名還擢左司郎中或謂其進媒藥之出為蘇州刺史性高潔鮮食寡欲所居焚香除地而坐詩律自沈宋以後日益靡曼鏤章刻句搯合浮切音韻諧婉屬對麗密而嫺雅平淡之氣不在矣獨應物之詩馳驟建安以還得其風格云



李端司馬集二卷

右唐李端趙州人大曆五年進士為校書郎卒官  
州司馬郭曖尚昇平公主賢明招納士類故端等多  
從曖游嘗進官宴客端席上賦詩甚佳一坐稱歎錢  
起曰素為之請賦起姓端立獻一章云新開金埒看  
調馬舊錫銅山許鑄錢起乃服主喜厚賜

李益詩一卷

右唐李益君虞也姑臧人大曆四年進士調鄯縣尉  
幽州劉濟辟從事憲宗雅聞其名召為集賢殿學士  
負才凌藉七不能堪暴其獻濟詩不上望京樓之

句以涉從年秋俄復舊益少雷詞藻長於歌詩  
與宗人賀齊名每作一篇樂工以賂或取被聲歌供  
奉天子征人早行下皆施之圖繪今集有從軍  
詩五十篇而無此詩惜其放逸多矣

陸贄奏議十二卷翰苑集十卷

右唐陸贄敬輿也贄嘉興人大曆八年進士中博學  
宏詞書判拔萃科德宗初為翰林學士從奉天還為  
中書舍人平章事贄在奉天日下詔書數百初如不  
經思逮成皆周盡人情嘗為帝言今盜徧天下宜痛  
自悔以感人心誠不吝改過以言謝天下使臣持筆



亡所忌庶叛者革心上從之故下制書雖武夫悍卒  
無不感動流涕議者謂興元戡難功雖爪牙宣力蓋  
贊有助焉舊有榜子集五卷議論集三卷翰苑集十  
卷元祐中蘇子瞻乞校正進呈改從今名疑是哀諸  
集成此書

王建詩十卷

太子手本

右唐王建也大曆十年進士為昭應縣丞代中陝  
州司馬尤長宮詞

柳邨詩一卷

右唐柳邨

端盧綸輩相酬贈詩大曆間進士

武元衡臨淮集二卷

右唐武元衡伯蒼也河南人建中四年進士元和三  
年以門下侍郎平章事出劍南節度八年復秉政明  
年早朝遇盜害之元衡工五言詩好事者傳之被於  
管絃管夏夜作詩日夜久喧暫息池臺唯月明無因  
駐滄景日出事還生翌日遇害舊有臨淮集七卷此  
其一也議者謂唐世工詩宦達者惟高適宦達詩工  
者惟元衡

羊士諤詩一卷

右唐羊士諤也貞元元年擢進士策順宗時為宣歙



巡官王叔文所惡貶汀州寧化尉元和初李吉甫知  
獎擢監察御史掌制誥出為資州刺史

趙信陵集一卷

右唐趙信陵貞元元年進士為舒州望江令卒

楊巨源詩一卷

右唐楊巨源字景山河中人貞元五年第進士為張  
弘靖從事自秘書郎擢太常博士遷禮部員外郎出  
為鳳翔少尹復召除國子司業巨源在元和中詩韻  
不造新語體律務實用功頗深且暮歲首微詠不輟  
年老或為詩贈弘靖詩敘其家世云伊陟無聞祖章

賢不至時入海之年滿七十丐歸時宰惜其去以  
為其鄉少尹不絕其祿太和以官壽卒

歐陽詹集十卷

右唐歐陽詹行周也泉州人貞元八年進士國子  
四門助教初閩人不肯北宦及常袞為觀察使興學  
勸士舉進士自詹始與韓愈李觀李絳聯第皆天下  
選時號龍虎榜云此集福州刺史李貽孫纂尚有之

韓愈集四十卷集外文一卷

右唐韓愈退之也南陽人貞元八年進士累擢知制  
誥進中書舍人遷吏部侍郎為京兆尹與李紳不協



紳出愈罷爲兵部俄復舊劉昫唐書稱愈恃才肆意  
盪孔孟之旨若南人妄以柳宗元爲羅池神而愈碑  
以實之李賀父名晉肅不應進士而愈作諱辨又爲  
毛穎傳譏戲不近人情此文章之甚紕繆者新書稱  
愈三歲而孤自知讀書比長盡通六經百家學性明  
銳不詭隨每言文章自相如子長後作者不世以故  
深探本原卓然樹立成一家言造端置辭不襲  
蹈前人者議者謂舊史謂愈文章甚紕繆固不待辨  
而新史謂造端置辭不蹈襲前人亦未爲知愈蓋愈  
之置辭字字悉有據依其造端如毛穎傳進學解之

類皆不所此範云其集屢經名人是正其訛舛絕少  
但編次殊不倫類有暇日者再宜編之

李絳論諫集七卷

右唐李絳深之也贊皇人貞元八年進士出詞補  
渭南尉六年進中書侍郎平章事太和初爲山南西  
道節度南蠻入寇爲亂兵所害絳偉儀質以直道進  
退望冠一時賢不肖太分屢爲讒邪所中平生論諫  
數十百事其甥夏侯孜所編大中史官蔣偕爲序

李觀文編三卷外集二卷

右唐李觀元賓也華之從子貞元八年進士中宏詞



科終太子校書郎觀爲文不襲前人時謂與韓愈相  
上下議者以觀文未極愈老不休故擅名陸希聲大  
順中編觀文爲之序以爲觀尚辭故辭勝理愈尚質  
故理勝辭雖愈窮老終不能加觀之辭觀後愈死亦  
不能逮愈之質云其後蜀人趙昂又得其安邊書至  
晁錯論一十四首爲後集二卷頃年從父營事公掌  
誥命以四之日爲四日不學者闕然以爲非觀集  
中亦嘗如此用乃知本於此

柳宗元集三十卷集外文二卷

右曹郎宗元子厚也後魏濟陰公其之裔貞元九年

進士中博學宏詞科授校書郎終於柳州刺史宗元  
少精敏絕倫文章卓偉精緻既竄斥聖厄感鬱一寓  
諸文倣離騷數十篇讀者悲惻在柳州進士未數千  
里從學經指授者文辭皆有法世號柳柳州愈評  
其文曰雉深雅健似司馬子長崔蔡不足多云集中  
有御史周君礪司馬溫公考異以此礪爲周子諒礪  
實開元二十五年也柳作天寶時悞按此礪殊疎畧  
舊唐書紀牛仙客傳玄宗實錄皆載子諒彈牛仙客  
杖流瀼州死藍田

劉禹錫夢得集三十卷外集十卷



右唐劉禹錫夢得也中山人貞元九年進士登博學  
宏詞科貶朗州司馬元和十年召還欲任以南省郎  
作玄都觀看花詩譏忿當路出爲播州刺史裴度以  
母老爲請得易連州入爲主客郎中復作游玄都詩  
以詆權近俄分司東都遷賓客會昌時加檢校禮部  
尚書卒禹錫少工文章恃才而廢老後寡所合乃以  
文章自適素善詩晚節尤精白居易推爲詩道嘗言  
其詩在處應有神物護持禹錫早與柳宗元爲文章  
之友稱劉亦晚與居易爲詩友號劉白雖詩文似少  
不及能共衡一人間信天下之奇才也

孟甫野詩集十卷

右唐孟郊野也湖州人貞元十二年進士調溧陽  
尉辟爲興元參謀卒郊少隱嵩山性介寡合醉愈一  
見爲忘形交爲詩有理致然思苦澁李觀論其詩曰  
高處在古無上平處下顧二謝云張籍謚爲貞曜先  
生集宋次道重編先時世傳汴吳鏤本五卷一百二  
十四篇周安惠本十卷三百三十一篇別本五卷三  
百四十篇蜀人蹇濬用退之贈郊句纂咸池集二卷  
一百八十篇自餘不爲編帙雜錄之家家自異次道  
總拾遺逸摘去重複若體製不類者得五百十一篇



而十聯句不與焉一贊一書附于後郊集於是始有完書

### 呂溫集十卷

右唐呂溫字晦叔也一字化光河中人貞元十四年進士以善韋執誼王叔文起家再命左拾遺同張薦使吐蕃元和初使還累進知御史雜事再貶道州刺史徙衡州溫從梁肅為文章規摹左氏藻瞻精實流輩推尚劉禹錫為編次其文序之云古之為書先立言而後體物賈生之書首過秦而荀卿亦後其賦故斷自人文化成論至諸葛武侯廟記為上篇今集先賦

詩後集又非禹錫本也

### 李翱集十八卷

右唐李翱習之京兆昭王之後貞元十四年進士調校書郎知制誥會昌初終山南東道節度使翱性峭鯁論議無所屈仕不得顯官怫鬱無所發從韓愈為文辭致渾厚見推當時集皆雜文無歌詩前有蘇舜欽序云唐之文章稱韓柳翱文雖辭不迫韓而理過於柳

### 張籍詩集五卷

右唐張籍文昌也和州人貞元十五年登進士策終



國子司業籍性狷急惟長於樂府多警句元和中與  
白樂天孟東野歌辭天下宗之謂之元和體云集張  
洎編

文心雕龍十卷

右晉劉勰撰評自古文章得失別其體製凡五十篇  
各係之以贊云余嘗題其後曰世之詞人刻意文藻  
讀書多滅裂杜牧之以龍星爲真龍王摩詰以去病  
爲衛青昔人譏之然亦不足怪蓋詩賦或率爾之作  
故也今勰著書垂世自謂嘗夢執丹漆器隨仲尼南  
行其言不淺矣觀其論說篇籍稱論語以前經無

論三六三論後人追題是殊不知書有論道經邦  
之言也其疎於王杜矣

昭德先生郡齋讀書志卷第四上



白居易詩集卷第四

昭德先生郡齋讀書志卷第四中

別集類中

白居易長慶集七十一卷

右唐白居易樂天太原人貞元十七年進士中拔萃

陽

科元和初制策一等調監厓尉入翰林為學士太和

中遷刑部侍郎會昌初以刑部尚書致仕居易拔文

章精切然最工詩初頗以規諷得失及其多更下偶

俗好當時士人爭傳雜林國賈相幸篇易一金在杭

州自類詩藁分諷諭閑適感傷雜律四類前集五十

卷有元稹序後集二十卷自為序紀又有續後集五

与元微、勸倡  
故号元白也  
刘禹錫齊名  
号劉白

白居易詩集卷第四



卷今亡三卷矣予嘗謂樂天進退以義風流高矣與  
劉禹錫游入謂之劉白而不陷入司馬黨中與元稹  
游入謂之元白而不陷北司黨中又與楊虞卿為姻  
家而不陷牛李黨中嗚呼叔世有如斯人之髣髴者  
乎獨集後載聞李崖州貶二絕句其言淺俗似幸其  
禍敗者余因疑非樂天之語及以唐史攷之崖州貶  
時樂天沒將踰年或曰浮屠某作也

戴叔倫述藁十卷外詩一卷書狀一卷

右唐戴叔倫幼公也潤州人為入溫雅善舉止貞元  
十末自進士承遷容管經畧使政治稱最德宗賜中

和詩十卷為榮代還請為道士未幾來集有馬總序  
或題會錄云唐史但云師事蕭穎士初不稱其能詩  
以時人少其詩骨氣縣弱故也

權德輿集五卷

右唐權德輿載之也秦州人未冠以文章稱諸儒間  
貞元十五年知制誥累官中書舍人元和五年以禮  
部尚書平章事德輿二歲知變四聲四歲能賦詩積  
思經術無不貫綜自始學至老未曾一日去書其文  
雅正瞻縵當時公卿功德卓異者皆所銘紀雖動止  
無外飾其醜藉風流自然可慕貞元元和間為縉紳



羽儀其兩漢辨亡論世祖封不義侯議世多稱之云  
嘗自纂制誥集五十卷楊憑爲序今亡逸文集孫憲  
孫編次楊嗣復爲序

符載集十四卷

右唐符載字厚之岐襄人幼有宏達之志隱居廬山  
聚書萬卷不爲章句學貞元中李異江西觀察薦其  
材授奉禮郎爲南昌軍副使繼辟西川韋臯掌書記  
澤潞都士美叅謀歷協律郎監察御史元和中卒段  
文昌爲墓志附於後集皆雜文末篇有數詩而已集  
前有韋王湘送符處士歸覲序皆云載蜀人以此

司馬子拔云

張登集六卷

右唐張登性剛潔介特始以市褐就辟歷衛佐廷尉  
平監察御史貞元中改河南士曹椽遷殿中侍御史  
漳州刺史居七年坐公累受劾吏議侵誣感疾卒權  
德輿爲之序甚詳以公幹景陽比之國史補亦稱登  
長於小賦氣宏而密間不容髮有織成隱起結綵感  
金之狀其舊集詩賦之外書啟序述誌記銘誄合一  
百二十二篇今存者纔六十餘首

戎昱集二卷



右唐戎昱撰初李憂廉察桂林月夜聞隣居吟咏之音清暢遲明訪之乃昱也即延為幕賓後因飲席調其侍兒憂微知其意即贈之昱感恻賦詩有恩合死前酬之句又為衛伯玉荆南從事後歷辰虔三州刺史

元稹長慶集六十卷外集一卷

右唐元稹微之也河南人擢明經書判入等授校書郎元和初舉制科對策第一拜左拾遺在江陵與監軍崔潭峻善潭峻以稹歌詩奏御穆宗賞悅即以祠部郎中知制誥未幾入翰林為中書舍人承旨學士

長慶二年拜同中書門下平章事稹為文長於詩與白居易齊名號元和體往往播樂府穆宗在東宮妃嬪近習謂之宮中呼元才子及知制誥變詔書體務純厚明以盛傳一時有長慶集百卷今亡其四十卷又有外集一卷有長慶集百卷今亡其四十卷

右唐皇甫湜持正也睦州人元和元年進士仕至工部郎中裴度辟東都判官度修福先寺求碑文於白居易居易怒曰近舍湜而遠取居易請從此辭度謝之湜即酬飲援筆立就度贈車馬繪綵甚厚湜怒曰吾自為顧况集序未嘗許人今碑字三千一字三繼何



遇我薄耶度笑曰不羈之才也從而酬之今集雜文三十八篇而已况集序在焉而碑已亡矣

李紳追昔遊三卷

右唐李紳公垂也亳州人元和元年進士補國子助教穆宗召為翰林學士累進中書舍人武宗即位拜中書侍郎平章事紳為人短小精悍於詩最有名號短李與李德裕元稹同時號三俊追昔遊者蓋賦詩紀其平生所遊歷謂起梁漢歸諫署升翰苑及播越荆楚逾嶺嶠止高安移九江過鍾陵守滁陽轉壽春雷洛易來會稽分務東周守蜀鎮梁也開成戊午八

且自為之序

鮑溶詩一卷

右唐鮑溶德源元和四年進士張薦謂溶詩氣力宏瞻博識清度雅正高古眾才無不備具云

朱倣詩一卷

倣字長通襄陽人隱居剡溪嗣曹王臯鎮江西辟節度參謀貞元初召為拾遺不就

沈亞之集八卷

右唐沈亞之字下賢長安人元和十年進士涇原李彙辟掌書記為秘書省正字長慶初補櫟陽尉四年

吳



為福建都團練副使事徐晦後累進殿中丞御史內  
供奉太和三年栢耆宣慰德州取為判官耆罷亞之  
貶南康尉後終郢州掾亞之以文詞得名狂躁貪厚  
輔耆為惡故及於貶嘗遊韓愈門李賀杜牧李商隱  
俱有擬沈下賢詩亦當時名輩所稱許云 尚有三行

姚合詩十卷

右唐姚合也崇曾孫以詩聞元和十一年李逢吉知  
舉進士歷武功主簿富平萬年尉寶應中監察殿中  
御史戶部員外郎出金杭二州刺史為刑戶二部郎  
中諫議大夫給事中陝虢觀察使開成末終秘書監

世號姚武功云

施肩吾西山集五卷

右唐施肩吾吳興人元和十五年進士以洪州西山  
十二真君羽化之地慕其真風高蹈于此輯其所著  
自為之序因卜隱焉且以名其所著自為之序

李賀集四卷外集二卷

右唐李賀長吉也鄭王之孫七歲能辭章韓愈皇甫  
湜聞之過其家使賦詩援筆輒就自目曰高軒過二  
人大驚年二十七終協律郎賀辭尚奇詭為詩未始  
先立題所得皆警邁遠去筆墨畦逕當時無能效者



樂府十數篇雲韶工合之絃管云或說賀既卒後為不相悅者盡取其所著投園中以故世傳者不多外集予得之梁子美家姚鉉頗選載文粹中

盧全詩一卷

唐盧全范陽人隱少室山號玉川子徵諫議不起韓愈為河南令愛其詩厚禮之嘗作月蝕詩以譏元和逆黨愈稱其工後死于甘露之禍

劉義詩一卷

右唐劉義也少嘗任俠教人後更折節讀書善歌詩客韓愈門作冰柱雪車二詩出盧全李賀右歸齊魯

不知所終今集二十餘篇爾不載一詩

斷金集一卷 又見四卷下下三

右唐李逢吉令狐楚自末第至貴顯所唱和詩也後逢吉卒楚編次之得六十餘篇裴夷直名曰斷金集為之序

杜牧樊川集二十卷外集一卷

右唐杜牧牧之也京兆人太和二年進士復舉制科會昌中以考功郎中知制誥終中書舍人牧善屬文剛直有奇節敢論列大事指陳利病為詩情致豪邁人號小杜以別甫云臨終自為墓誌悉焚所為文章



其甥裴廷翰輯其藁編次爲之後序樊川蓋杜氏所  
居外集詩也

許渾丁卯集二卷

右唐許渾字用晦圉師之後太和六年進士爲當塗  
太平二令以病免起潤州司馬大中三年爲監察御  
史歷虞部員外睦郢二州刺史嘗分司於朱方丁卯  
間自編所著因以爲名賀鑄本跋云按渾自序集三  
卷五百篇世傳本兩卷三百餘篇求訪二十年得沈  
氏曾氏本并取擬玄天竺集校正之共得四百五十  
四篇予近得渾集完本五百篇皆在然止兩卷唐書

文志亦言渾集兩卷鑄稱三卷者誤也

雍陶詩五卷

右唐雍陶國鈞太和八年進士大中六年自國子毛  
詩博士出刺簡州唐志集十卷今亡其半

李商隱樊南甲集二十卷乙集二十卷又文集八卷

右唐李商隱義山也隴西人開成二年進士令狐楚  
奏爲集賢校理楚出汴滑興元皆表幕府補太學博  
士初爲文瑰邁奇古及從楚學儷偶長短而繁縟過  
之旨能感人人謂其橫絕前後無儔者今樊南甲乙



集皆四六自爲序卽所謂繁縟者又有古賦及文共  
三卷辭旨悽詭宋景文序傳中稱譎怪則李商隱蓋  
以此詩五卷清新纖艷故舊史稱其與溫庭筠段成  
式齊名時號三十六體云

李德裕會昌一品集二十卷姑臧集五卷平  
泉詩一卷窮愁志三卷別集八卷別友賦一  
卷

右唐李德裕文饒也趙郡人宰相吉甫之子少力于  
學旣冠卓犖有大節不喜與諸生試有司憲宗時以  
詹補校書郎穆宗初擢翰林學士號令大典皆出于

手進中書舍人名兵部尚書中書門下平章事會昌  
初復秉政平澤潞策功拜太尉封衛公大中貶崖州  
司戶叅軍三年卒德裕性孤峭明辨有風采善爲文  
章雖在大位手不去書謀議援古衰衰可喜爲武宗  
知常以經綸天下爲已任時王室幾中興焉一品集  
鄭亞爲之序皆會昌制誥表狀外內冊贊碑序文也  
賦詩四首窮愁志乃崖州所撰姑臧集題段全緯纂  
上四卷亦制誥第五乃曼黯斯朝貢傳與八詩別集  
乃哀合古賦平泉詩集外雜著又有古賦一卷載金  
松等四賦



劉得仁詩集十秩一卷

右唐劉得仁公主之子長慶中以詩名五言清瑩獨步文壇自開成後昆弟皆居顯仕獨自苦於詩舉進士二十年竟無所成嘗有寄所知詩云外族帝王足中朝親故稀翻令浮議者不許九霄飛及卒詩僧棲白以絕句弔之曰忍苦爲詩身到此水魂雪魄已難招直教桂子落墳上生得一枝冤始銷

劉綺莊歌詩四卷

右唐四庫書目有綺莊集十卷今所餘止四卷詩三十二啟狀四十四而已惜其散落大半其本乃

故物紙墨甚精後題曰昇平四年重題印其文云云

薛逢歌詩二卷

右故唐薛逢開元也河東人會昌元年進士終秘書監逢持論鯁切以謀畧高自標顯與楊收王鐸同年登第而逢文藝最優收作相逢有詩云誰知金印朝天客同是沙堤避路人鐸作相逢又有詩云昨日鴻毛萬鈞重今朝山岳一毫輕二人皆怒故不見齒

鄭畋集五卷

右唐鄭畋台文也滎陽人會昌二年進士書判入等授校書郎調渭南尉知制誥中書舍人乾符四年以



本官同中書門下平章事二年召復秉政至成都以病不拜終太子少保藁草皆乾符堂判勅語云

趙嘏渭南詩三卷

右唐趙嘏承祐也會昌四年進士終渭南尉杜紫微讀其早秋詩云殘星幾點鴈橫塞長笛一聲人倚樓因謂之趙倚樓云

孟逵詩一卷

右唐孟逵字叔之平昌人會昌五年陳商下及第

薛能集十卷

右唐薛能字大拙汾州人會昌六年登進士第大中

末書判中選補監厓尉薛太原陝虢河陽從事李福鎮滑表署觀察判官歷御史都官刑部員外郎福徙西蜀奏以自副咸通中攝嘉州刺史造朝遷主客度支刑部郎中俄刺同州京兆尹溫璋貶命權知尹事出帥咸化入授工部尚書復節度徐州徙忠武廣明元年徐軍戍澉水經許能以軍懷舊惠館之城中許軍懼見襲大將周岌乘衆疑怒遂能據城自稱畱後因屠其家能政嚴察絕私謁癖於詩日賦一章晚節惑浮屠法奉之唯謹然恣驚倨傲佻輕以忤物及爲藩鎮尤易武吏嘗命其子屬囊鞬雅拜新進士或問



其故曰與渠錦弭灾咎云

李郢端公詩一卷

右唐李郢楚望也大中十年進士詩調清麗居餘杭疎於馳競為藩鎮從事兼侍御史

鄭嵎津陽門詩一卷

右唐鄭嵎字賓光大中五年進士津陽即華清宮之外闕為詩百韻紀明皇時事自有序云

劉滄詩一卷

右唐劉滄字溫靈大中八年進士詩頗清麗句法絕類趙嘏

下不同

孫樵經緯集三卷

黃巢

右唐孫樵字隱之大中九年進士廣明初任寇犯闕赴岐隴授職方員外郎時詔書曰行在三絕以常侍李膺有曾閔之行前進士司空圖有巢由之風樵有楊馬之文遂輯所著名經緯集

李群玉詩一卷

右唐李群玉文山也澧州人曠逸不樂仕進專以吟詠自適詩筆妍麗才力邁健好吹笙弄筆翰親友彊赴舉一上而止裴休廉察湖南延郡中大中八年來京師進詩三百篇休復論薦授弘文館校書郎集後



附其進詩表并除官制廣記所載黃陵廟事甚其絕句在焉

張祐詩二卷

右唐張祐承古清河人樂高尚客淮南杜牧為度支使善其詩嘗贈之詩曰何人得似張公子千首詩輕萬戶侯嘗作淮詩有人生只合揚州死禪智山光好墓田之句大中中果終丹陽隱舍人以為讖云

陳陶集二卷

右唐陳陶嵩伯也都陽人大中時隱洪州西山自號三教布衣云江南野史有傳

溫庭筠金荃集七卷外集二卷

右唐溫庭筠也庭筠本名岐字飛卿宰相彥博之裔詩賦清麗與李商隱齊名時號溫李能逐弦吹之音為側艷之辭為行塵雜曲是累年不策終國子助教宣宗嘗作詩賜宮人句有金步搖遣場中對之庭筠對以玉跳脫上喜其敏欲用之而嘗作詩忤時相令狐綯終棄不用廢斥云

皮日休文藪十卷

右唐皮日休字襲美一字逸少襄陽人隱鹿門山自號醉吟先生以文章自負尤善箴銘咸通八年登進



士第爲著作佐郎太常博士乾符喪亂東出關爲毗  
陵副使陷巢賊中賊遣爲讖文疑其讖已遂害之集  
乃咸通丙戌年居州里所編自序云發篋次類文藁  
繁如藪澤因以名之凡二百篇

司空圖一鳴集三十卷

右唐司空圖表聖也河中人咸通十一年王凝下及  
策黃巢陷長安僖宗次鳳翔召拜知制誥中書舍人  
朱溫將篡召爲禮部尚書不赴聞哀帝遇弒不食而  
卒圖居中係山自號知非子耐辱居士集自爲序以  
濯纓亭一鳴廳名其集子荷別爲集後記最長於

論詩有曰梅止於酸而鹽止於鹹其美常在酸鹹  
之外謂其詩基聲花院靜幡影石壇高之句爲得之  
人以其言爲然

唐彥謙鹿門詩一卷

右唐唐彥謙茂業也并州人咸通末舉進士策中和  
王重榮表河中從事歷節度副使晉絳二州刺史重  
榮遇害貶漢中椽興元楊守亮留署判官遷副使閬  
壁刺史卒彥謙才高負氣無所摧屈博學多藝尤能  
七言詩師溫庭筠故格體類之世稱耳聞明主提三  
尺股見愚民盜一抔蓋彥謙句也自號鹿門先生有



薛廷珪序

曹唐詩二卷

右唐曹唐字堯賓桂州人初爲道士咸通中爲府從事卒作遊仙詩百餘篇或斬之曰堯賓嘗作鬼詩唐曰何也并祗有天春寂寂人間無路月茫茫非鬼而何唐乃大笑今集中不見然他詩及神仙者尚多

秦韜玉投知小錄三卷

右唐秦韜玉中明京兆人有詞藻工歌吟險而好進爲田令孜所善僖宗幸蜀令孜引爲工部侍郎中和二年賜進士第編入春榜

雲臺編三卷宜陽外編一卷

右唐鄭谷字守愚宜陽人光啟三年擢高第遷右拾遺歷都官郎中乾寧四年歸宜春卒於別墅其集號雲臺編者以其扈從華山觀居所編次云谷詩屬思頗切於理而格韻凡猥語句浮俚不競不爲議者所多然一時傳諷號鄭都官而弗名也

陸龜蒙笠澤叢書四卷

右唐陸龜蒙曾望也蘇州人少高放通六經大義尤明春秋舉進士一不中從張搏爲蘇湖從事居松江甫里以文章自怡自號江湖散人或號天隨子甫里



尚有一行

先生笠澤者松江地名也其自序云自乾符六年春臥病笠澤遇體中不甚羸耗時亦隱凡著書詩賦銘記往往雜發不類不次混而錄之故曰叢書尚有一行

韓偓詩二卷香奩集一卷

右唐韓偓致光也京兆人龍紀元年進士累遷諫議大夫翰林學士昭宗幸鳳翔進兵部侍郎承旨朱全忠怒貶濮州司馬榮懿尉天祐初挈族依王審知而卒香奩集一卷或曰和凝既貴惡其側艷故詭稱偓著云

李洞詩一卷

右唐李洞撰字才江諸王之孫慕賈島為詩銅鑄其像事之如神詩人多請其僻澁不貴其奇峭唯吳融稱之昭宗時不第遊蜀卒

杜荀鶴唐風集十卷

右唐杜荀鶴池州人大順二年進士善為詞句切理宣州田頔重之嘗以賤問至梁祖薦為翰林學士主客員外恃勢侮易縉紳眾怒欲殺之而未及天祐初病卒有顧雲序荀鶴自號九華山人

程晏集六卷

右唐程晏字晏然乾寧二年進士集皆雜文

下不曰



孫邵文纂一卷

右唐孫邵字希韓四明人乾寧四年進士好荀楊孟之書慕韓愈為校書郎河南府文學舊四十卷

朱抃致理書一卷

右唐朱抃襄陽人以三史舉為荆門令乾寧中方士許巖士得幸禁中言抃有經濟才帝幸石門名對卽拜諫議大夫平章事

曹松詩一卷

右唐曹松夢徵也舒州人學賈島為詩天復元年與王希羽劉象柯崇鄭希顏同登策年皆七十餘號五

老勝時以新平內難聞放進士喜特勅授校書郎而卒

裴說詩一卷

右唐裴說撰天祐三年進士詩有避亂一身多之何讀者悲之

羅虬比紅兒詩一卷

右唐羅虬也皇朝方性夫注虬詞藻富贍與其族人隱鄒齊名時號三羅從鄆州李孝恭籍中有杜紅兒者善歌常為副戎屬意副戎聘隣道虬請紅兒歌贈綵孝恭不令受之虬怒拂衣而起詰旦手刃之既而



追其寃作絕句詩百篇借古人以比其艷盛行於時

方干詩集一卷

右唐方干字雄飛歙人唐末舉進士不第隱鏡湖上徐凝有詩各一見干器之授以詩律其貌陋又免缺而喜凌侮嘗謁廉帥誤三拜人號方三拜將薦于朝而卒門人謚玄英先生其甥楊弁孫邵編次王贊爲序邵又爲玄英先生傳附

王德興詩一卷

右唐王德興集有次韻和鄭畋詩知其懿僖間人也

沈彬詩一卷

右唐沈彬保大中以尚書郎致仕居高安集中有與韋莊杜光庭貫休詩唐末三人皆在蜀疑其同時避亂嘗入蜀云上李昇山水圖詩在焉

熊皦屠龍集五卷

右晉熊皦後唐清泰二年進士爲延安劉景巖從事天福中說景巖歸朝擢右司諫坐累黜上津食集有陶穀序陳沆賞皦早梅云一夜欲開盡百花猶未知曰太妃容德於是乎在

沈顏聲書十卷

右僞吳沈顏字可鑄傳師之孫天復初進士爲校書



郎屬亂離奔湖南辟巡官吳國建爲淮南巡官禮儀使兵部郎中知制誥翰林學士順義中卒顏少有詞藻琴碁皆臻妙場中語曰下水船言爲文敏速無不載也性閑淡不樂世利嘗病疾當時文章浮靡倣古著書百篇取元次山聲叟之說附已志而名書其自序云自孟軻以後千餘年經百千儒者咸未有聞焉天厭其極付在鄙子其夸誕如此

李煜集十卷

右僞唐主李煜重光也璟之子少聰悟喜讀書屬文工書畫知音律建隆三年嗣僞位開寶八年王師克

金陵封違命侯太平興國二年終隴西郡公贈吳王江鄰幾雜志云爲秦王廷美所毒而卒

韓熙載格言五卷

右僞唐韓熙載字叔言北海人後唐同光中進士南奔江淮李昇建國用爲秘書郎使與其子璟游璟嗣位爲虞部員外郎史館修撰兼太常博士知制誥頃之請誅陳覺黜和州司馬復召中書舍人累遷兵部尚書第宅華侈妓樂四十餘人不加檢束時人比徐之才璟屢欲倚以爲相用是不果後左授右庶子分司乃盡斥群妓單車引道留爲秘書監俄復位已而



其去妓皆還上書論古今之變名格言熙載天才俊  
敏工隸書及畫聲名冠一時自宋元叛後煜頗疑北  
人多因事誅之熙載愈益淫縱然喜延譽後進如舒  
雅等後多知名諡曰文

潘佑榮陽集十卷

右偽唐潘佑金陵人韓熙載薦於璟授秘書正字直  
崇文館煜時爲虞部員外郎史館修撰知制誥中書  
舍人佑性貞介文章瞻逸尤長論議坐言事悖慢下  
獄自剄死人頗言張洎譖之

李有中詩二卷

右偽唐李有中嘗爲新塗令與水部郎中並賓于美  
賓于稱其詩如方干賈島之徒賓于晉天福中進士  
也有中集中有贈韓張徐三舍人詩韓乃熙載張乃  
洎徐乃鉉也春日詩云乾坤一夕雨草木萬方春頗  
佳他皆稱是

成彥雄梅頂集一卷

右偽唐成彥雄江南進士有劉鉉序

張蠙詩一卷

右偽蜀張蠙字象文清河人唐乾寧中進士爲校書  
郎櫟陽尉犀浦令建開國拜膳部員外郎後爲金堂



令王衍與徐后游大慈寺見壁間墻頭細雨垂纖草  
水面回風聚落花愛之問之云蠙貝給札令以詩進  
蠙以二百首獻衍重之將召為知制誥宋光嗣以其  
輕傲止賜白金而已蠙生而穎秀幼能為詩作登單  
于臺有白日地中出黃河天外來之句為世所稱

牛嶠歌詩三卷

右偽蜀牛嶠字延峰隴西人唐相僧孺之後博學有  
文以歌詩著名乾符五年進士歷拾遺補闕尚書郎  
王建鎮西川辟判官及開國拜給事集中卒集本三十  
卷自序云竊慕李長吉所為歌詩輒効之

韋莊浣花集五卷

右偽蜀韋莊字端已仕王建至吏部侍郎平章事集  
乃其弟藹所編以所居即杜甫草堂舊址故名云偽  
史稱莊有集二十卷今止存此

盧延讓詩十卷

右偽蜀盧延讓子善也范陽人唐光化元年進士朗  
陵雷滿辟滿敗歸王建及僭號授水部員外郎累遷  
給事中卒官終刑部侍郎延讓師薛能詩不尚奇巧  
人多誚其淺俗獨吳融以其不蹈襲大奇之

羅隱甲乙集十卷讒書五卷



右杭越羅隱字昭諫餘杭人唐乾符中舉進士不第  
從事諸鎮皆無合久而歸錢鏐辟掌書記歷節度判  
官副使奏授司勳郎中梁祖以諫議大夫召不行魏  
博羅紹威推爲叔父表薦給事中卒隱少聰明作詩  
著文以譏刺爲主自號江東生其集皆自爲序

孫光憲鞏湖編玩三卷

右荆南孫光憲字孟文陵州人王衍降唐避地荆南  
從誨辟掌書記歷檢校秘書監御史大夫王師收闕  
州光憲勸其主獻三州地乾德中終黃州刺史自號  
葆光子

徐鉉集二十卷

右僞唐徐鉉字鼎臣廣陵人任楊溥爲秘書郎直宣  
徽北院掌文翰李昇時知制誥璟煜時累官爲翰林  
學士歸朝爲直學士院給事中散騎常侍淳化初坐  
累黜靜難軍司馬鉉初至京師見御毛褐者輒晒之  
邠苦寒竟以冷氣入腹而卒鉉幼能屬文尤精小學  
爲文未嘗沈思自去速則意思壯敏緩則體勢疎慢  
云集有陳彭年序

李涉歌詩一卷

右唐李涉渤之弟也早從陳許辟一再謫官夷陵太



和中爲太學博士自號清溪子渤三詩附

賈島長江集十卷

右唐賈島浪仙也燕薊人累舉進士不第文宗時坐飛謗謫長江主簿會昌初終普州司倉參軍島少爲僧名無本後從韓愈遂去浮屠

于武陵詩一卷

右唐于武陵大中進士

皎然杼山集十卷

右唐僧皎然撰字清晝吳興人謝靈運十世孫工篇什德宗詔錄本納集賢院集前有于頔序并贈書上

人詩

貫休禪月集三十卷

右唐僧貫休撰字德隱姓姜氏婺州人後入蜀號禪月大師初吳融爲之序其弟子曇域削去別爲序引僞蜀乾德中獻之

清塞詩一卷

右唐僧清塞字南卿詩格清雅與賈島無可齊名寶曆中姚合爲杭州刺史因攜書投謁合聞其哭僧詩云凍鬚亡夜剝遺傷病中書大愛之因加以冠巾爲周賀云



虛中碧雲詩一卷

夢山詩話

右唐僧虛中也居玉筍山嘗以詩投司空圖酬云十年太華無知己只得虛中一首詩其見重如此

薛濤錦江集五卷

禮本云薛濤度江集

右唐薛濤洪度也西川樂妓工為詩當時人多與酬贈武元衡奏校書郎太和中卒李肇云樂妓而工詩者濤亦文妖也

修文要訣二卷

右偽州馮鑑撰雜論為文體式評其誤謬以訓初學云

別集類下

柳仲塗集一卷

右皇朝柳開字仲塗大名入開寶六年進士太平興國中上書願備邊用授崇儀使知寧邊軍徙全桂二州貶復州團練副使居久之復官歷環鄆曹代忻滄五州咸平四年終于京師開幼奇警有胆氣學必宗經慕韓愈柳宗元為文因名肩愈字紹先既而易今名字自以為能開聖道之塗也集乃門人張景所編歐公常推本朝古文自仲塗始

胡周父文集十卷

胡周父文集十卷

三



右皇朝胡巨字周父渤海人太平興國三年進士第  
一人知海州上河平頌先是盧多遜趙普罷頌有逆  
遜投荒姦普屏外之句太宗怒貶商州團練副使上  
平燕八議召復官再遷知制誥翟馬周上封事斥時  
政語連旦謫防州團練副使復召知制誥草王繼恩  
制詞溢美流潯州景德初以目病致仕終秘書監爲  
人雋辨強敏少有大志力學以瞻博聞雍熙淳化間  
奏御之文爲時推賞晚節黷貨多干擾州縣持吏短  
長時論薄之

寇忠愍詩三卷

右皇朝寇準字平叔華州人太平興國中登進士科  
淳化五年參知政事切直上怒起輒脫衣畱以俟處  
決定策立真宗爲皇太子景德元年拜平章事契丹  
入寇決親征之策三年出知陝州大中祥符七年同  
平章事明年罷天禧三年復相真宗不豫皇后預政  
準白上請太子監國因令楊億草制且進億以代丁  
謂詰朝準被酒漏言累貶雷州司戶徙衡州司馬卒  
後詔許歸葬公安縣民擁道設祭立竹焚紙竹無根  
株踰月皆自生民卽其地立祠名其竹曰寇公竹仁  
宗時贈中書令謚忠愍嘗封萊國公初篤學善屬文



司馬溫公詞  
儉文亦言  
其奢侈子  
孫曰子海  
上然以史攷

宋子也

尤長詩什多得警句在相位論議忠直不顧身謀佐  
邪媒藥既以謫死或又謫之云在相位時與張齊賢  
相傾朱能謂天書降乾祐準知而不言曾鞏明其不  
然曰準審如是丁謂拂須固足以悅之集有雍敘共  
二百四十首野水無人渡及江南春二首皆在獨到  
海只十里之詩已亡其全篇矣

王元之小畜集三十卷

右皇朝王禹偁字元之鉅野人家微賤九歲能為歌  
詩畢士安見而異之及長善屬文太平興國八年登  
進士第端拱初試文擢左司諫知制誥判大理寺辨

徐鉉罪忤旨貶商州團練副使久之復召知制誥入  
翰林為學士孝章皇后崩梓宮遷主第禹偁謂后嘗  
母儀天下當用舊典坐謗訕左遷知滁州真宗即位  
復召掌誥修太宗實錄坐語涉輕詆出知黃州徙蘄  
州卒年四十八元之詞學敏贍獨步一時鋒銳氣厲  
極談世事臧否人物以直道自任故屢被擯斥喜稱  
獎後進當世名士多出於門下集自為序

宋文安集一百卷

右皇朝宋白字素臣開封人年十二善屬文建隆二  
年進士調嘉州玉津令從太宗平晉獻頌上嘉之累



擢翰林學士卒祥符中謚文安白之文頗浮麗而理致或不工典貢舉取王禹偁田錫胡旦時稱得人又名廣平集

晁文元道院別集十五卷法藏碎金錄二十

卷尚有二卷

右五世祖文元公也諱某字明遠澶州人自父始徙家彭門幼從王禹偁學太平興國五年進士至道末擢右正言直史館知制誥入翰林爲學士加承旨眷禮優厚天禧中祈解近職判西京留司御史臺居六年請老以太子少保致仕終少傅年八十四文元謚

也國史云公樂易淳固守道甚篤雖貴勢無所摧屈嘗言歷官臨事未嘗挾情害人以售進保全護固如免髮膚之傷真宗數稱其長者楊億謂其所作書命得代言之體李獻臣亦言公服膺墳典者年不倦少遇異人指導心要不喜術數之說疑文滯義須質正後已文章典贍書法楷正時輩推重自唐以來世掌誥命者唯楊於陵及見其子而晁氏繼之延譽後進其門人如宋宣獻晏元憲李邯鄲皆爲世顯人集皆有自序及李遵勗後序尚有二行

楊文公刀筆集十卷



右皇朝楊億字大年建州人祖文逸嘗夢一羽人自稱懷玉山人覺而億生白毛被體其長盈尺踰月始隨雍熙初以才名聞年纔十一召至闕下得對面試詩賦授秘書省正字宰相等賀得神童淳化中奏二京賦命試禁林賜進士第久之直集賢院修永熙實錄獨成五十六卷真宗卽位累擢知制誥入翰林爲學士祥符中母病楊翟詣告不待報歸省俄自以病再解官以太常少卿分司病愈起知汝州復爲學士卒年四十七天性穎悟自幼迄老不離翰墨爲文敏速對客談笑揮毫無滯博聞強記於歷代典章制度

尤所該通時多取正樂道人善後進翕然宗之然評品人物黑白太明姦邪疾惡之故屢被讒毀真宗愛其材特保持之僅免焉景祐中王晦叔上其爲寇相請皇太子親政疏草仁宗嘉歎特贈禮部尚書謚曰文刀筆集有陳詰序凡三百六十三首

張乖崖集十卷

右皇朝張詠字復之濮州人太平興國初進士累擢至樞密直學士御史中丞禮部尚書卒年七十少好擊劍兼通術數爲文尚氣不事彫飾自號乖崖公知益州恩威並著至今人畏愛之錢易所撰墓誌李昉



所纂語錄附于後

陳文惠公集二卷湖陽編一卷

右皇朝陳堯佐字希元閬州人端拱初進士累遷三司副使修永定實錄擢知制誥歷館廬壽洛并同雍鄭八州景祐四年召拜同中書門下平章事後以太子太師致仕年八十二卒號知餘子謚文惠堯佐屬辭尚古不牽世用喜爲二韻詩詞調清警永雋可集皆自有序

孫漢公集三十卷

右皇朝孫何字漢公蔡州人淳化二年應進士殿省

俱中第一四遷起居舍人知制誥性下急嘗任京西東兩浙轉運使副頗事苛察幼篤學嗜古爲文宗經與丁謂同爲王元之所稱時謂之孫丁集有丁謂序

丁晉公集四卷

右皇朝丁謂字公言初字謂之蘇州人淳化三年進士累遷知制誥出知鄆毫昇三州天禧四年拜平章事俄以戶部罷未幾復相封晉國公乾興中坐擅改永定陵貶崖州司戶更赦徙道州明道末以秘書監召還卒於光州幼聰敏書經目輒記不忘善爲古文章尤工詩什儉巧險詖世鮮其儔大中祥符初議封



禪未決謂因言大計有餘議遂定當時所奏祥瑞事  
皆謂及王欽若預焉喜圖畫博奕音律吳人自陸宣  
公後至謂始相本朝熙寧以前議者莫不指謂為姦  
邪之首自王安石用事頗稱其賢智云集皆詩也

劉中山刀筆三卷涇川集四卷

右皇朝劉筠字子儀大名人咸平元年進士三遷右  
正言直史館以司諫知制誥出知鄧陳兩州召入翰  
林為學士嘗草丁謂李迪罷相制既而又命草制復  
畱丁謂筠不奉詔遂出知廬州再召為學士月餘以  
疾知潁州三召入翰林加承旨未幾進戶部龍圖閣

學士再知廬州為人不苟合學問闕博文章以理為  
宗辭尚緻密尤工篇詠能侔揣情狀音調婁麗自景  
德已來與楊億以文章齊名號為楊劉天下宗之刀  
筆集并涇川集有黃鑑序

鮮于伯圭集一卷

右皇朝鮮于瓌字伯圭閬中人文章為一時之冠累  
舉不第嘗作摠愁詞時人稱之李宗諤贈詩云漢殿  
無人薦揚子滿朝空誦摠愁詩後與宗諤同年第四  
人登科趙普判秦州辟為觀察推官卒

晏元憲臨川集三十卷紫微集一卷



右皇朝晏殊字同叔臨川人景德三年張知白薦得  
召賜同進士出身再試文擢秘書正字爲昇王府記  
室累擢知制誥翰林學士寶元三年拜平章事坐摺  
李宸妃墓銘不言上宸妃所出及後其治產事四年  
罷知穎川歷陳許雍洛以疾歸侍經席卒性剛峻幼  
孤篤學爲文溫純應用尤長於詩抒情寓物辭多曠  
達當世賢士如范文正歐陽文忠皆出其門女適  
富鄭公楊察世稱其知人云集有兩本一本自作序

范文正丹陽編八卷

右皇朝范仲淹字希文其先邠人大中祥符八年進

士幼隨母適朱氏名悅後復今姓名擢右司諫爭廢  
郭后事出守睦蘇二州以直充天章閣待制知開封  
獻百官圖詆宰相奪職知饒州歷潤越寶元初知永  
興陝西經畧副使涇原師敗例降官知耀州幾月改  
環慶遷四路經畧招討使慶曆元年召拜樞密副使  
徙杭青二州卒謚文正爲學明經術鼓慕古人事業  
慨然有康濟之志作文章尤以傳道爲任事母至孝  
姑蘇之范皆疎屬置義莊以賙給之天下想聞其風  
采賢士大夫以不獲登其門爲耻獨梅堯臣嘗著碧



雲駮一編以譏詆之云集有蘇子瞻序

种明逸詩六卷

右皇朝种放字明逸長安人隱終南之豹林谷咸平  
中遣使召赴闕授左司諫累遷諫議大夫給事中祥  
符八年終工部侍郎放通經史七歲能屬文不喜釋  
氏常裂佛書以製帷帳著嗣禹說在朝有所啟奏時  
無知者楊億譏其循默真宗乃出其議十三篇以示  
輔臣晚年頗縱酒盛輿服王嗣宗知京兆嘗條上其  
不法詔問狀不娶無子集乃姪孫說所編范與爲之  
序卷首載真宗詔書及御製詩十首

魏仲先草堂集二卷鉅鹿東觀集一卷

右皇朝魏野字仲先陝州人志清逸以吟詠自娛亡  
懷榮利隱于陝之東郊手植竹木繞以流泉鑿土袤  
丈曰樂天洞前立草堂爲詩清苦句多警策與寇準  
王旦善每往來酬唱祀汾陰歲名不起卒贈著作郎  
集有薛田序鉅鹿東觀集乃野之作子閑集其父詩  
四百篇以贈著作故以東觀名集

潘逍遙詩三卷

右皇朝潘閔字逍遙大名人通易春秋尤以詩知名  
太宗嘗召對賜進士第將官使之不就王繼恩與之

別脫後段



善繼恩下獄捕閔甚急久之弗得咸平初來京師尹  
收繫之真宗釋其罪以爲滁州叅軍後卒于泗上與  
王禹偁孫何柳開魏野交好最密集有祖無擇序錢  
易張達皆碣其墓附于集蘇子瞻少年時過一山院  
見壁上有詩曰夜涼知有雨院靜若無僧而不知何  
人詩今集載此聯乃閔夏日宿西禪院詩也小說中  
謂閔坐盧多遜黨嘗追捕非也

昭德先生郡齋讀書志卷第四中



